

三國史記卷第一

宣撰

始祖

新羅本紀第一

始祖赫居世居西干南解次雄 儒理居師今 脫解居師今 婆羅居師今 祇摩居師今 逸聖居師今

始祖姓朴氏諱赫居世前漢孝宣帝五鳳元年

甲子四月丙辰

一日正月十五日

即位號居西干時年十

三國號徐那伐先是朝鮮遺民分居山谷之間

為六村一日闕川揚山村二日突山高墟村三

日甯山珍支村

或云干珍村

四日茂山大樹村五日金山加

利村六曰明活山高耶村是爲辰韓六部高墟
村長蘇伐公堅楊山麓蘿井傍林間有馬跪而
嘶則往觀之忽不見馬只有大卵剖之有嬰兒
出焉則收而養之及年十餘歲岐嶷然夙成六
部人以其生神異推尊之至是立爲君焉辰人
謂瓠爲朴以初大卵如瓠故以朴爲姓居西干

辰言王

或云呼貴
人之稱

四年夏四月辛丑朔日有食之

五年春正月龍見於闕英井右脇誕生女兒老

始祖

下

姬見而異之收養之以并名名之及長有德容
始祖聞之納以為妃有賢行能內輔時人謂之
二聖

八年倭人行兵欲犯邊聞始祖有神德乃還

九年春三月有星孛于王良

十四年夏四月有星孛于參

十七年王巡撫六部妃閱英從焉勸督農桑以

盡地利

十九年春正月十韓以國來降

東明

二十一年築京城號曰金城是歲高句麗始祖

東明立

二十四年夏六月壬申晦日有食之

二十六年春正月營宮室於金城

三十年夏四月己亥晦日有食之樂浪人將兵

來侵見邊人夜戶不扃露積被野相謂曰此方

民不相盜可謂有道之國吾儕潛師而襲之無

異於盜得不愧乎乃引還

三十二年秋八月乙卯晦日有食之

三十八年春二月遣弼公聘於馬韓馬韓王讓
弼公曰辰下二韓爲我屬國比年不輸職貢事
大之禮其若是乎對曰我國自二聖肇興人事
修天時和倉庾充實人民敬讓自辰韓遺民以
至小韓樂浪倭人無不畏懷而吾王謙虛遣下
臣修聘可謂過於禮矣而大王赫怒劫之以兵
是何意耶王憤欲殺之左右諫止乃許歸前此
中國之人苦秦亂東來者衆多處馬韓東與辰
韓雜居至是寢感故馬韓忌之有責貢焉弼公者

西條

未詳其族姓本倭人初以瓠繫腰渡海而來故稱瓠公

三十九年馬韓王薨或說上曰西韓王前辱我使今當其喪征之其國不足平也上曰幸人之災不仁也不從乃遣使弔慰

四十年百濟始祖溫祚立

四十三年春二月乙酉晦日有食之

五十三年東沃沮使者來獻良馬二十四日寡君問南韓有聖人出故遣臣來享

古史記

南解

五十四年春二月己酉星孛于河鼓

五十六年春正月辛丑朔日有食之

五十九年秋九月戊申晦日有食之

六十年秋九月二龍見於金城井中暴雷雨震

城南門

六十一年春三月居西于外選葬地陵在雲巖

寺北

南解次次雄立

次次雄或云慈充金大問云方言謂巫也世人以巫享鬼神尚祭祀故畏敬之遂稱

尊長者赫居世嫡子也身長大性沉厚多智略母為慈充

關英夫人妃雲帝夫人

一云何繼父

即位稱元

論曰人君即位踰年稱元其法詳於春秋此先
王不刊之典也伊訓曰成湯既沒大甲元年正
義曰成湯既沒其歲即大甲元年然孟子曰湯
崩大丁未立外丙二年仲壬四年則疑若尚書
之脫簡而正義之誤說也或曰古者人君即位
或踰月稱元年或踰年而稱元年踰月而稱元
年者成湯既沒大甲元年是也孟子云大丁未
立者謂大丁未立而死也外丙二年仲壬四年

者皆謂大丁之子大甲二兄或生二年或生四
年而死大甲所以得繼湯耳史記便謂此仲主
外丙爲二君誤也由前則以先君終年即位稱
元非是由後則可謂得商人之禮者矣

元年秋七月樂浪兵至圍金城數重王謂左右
曰二聖奔國孤以國人推戴謬居於位危懼若
涉川冰今鄰國來侵是孤之不德也爲之若何
左右對曰賊幸我有嬖妾以兵來夫必不祐不
足畏也賊俄而追歸

三年春正月立始祖廟冬十月丙辰朔日有食之
五年春正月壬聞脫解之賢以長女妻之

七年秋七月以脫解爲大輔委以軍國政事

八年春夏旱

十一年倭人遣兵船百餘艘掠海邊民戶發六

部勁兵以禦之樂浪謂內虛來攻金城甚急夜

有流星墜於賊營衆懼而退屯於闕川之上造

石堆二十而去六部兵一千人追之自吐含山

東至闕川見石堆知賊衆乃止

十三年秋七月戊子晦日有食之

十五年京城旱秋七月蝗民饑發倉廩救之

十六年春二月北溟人耕田得藏玉印獻之

十九年大疫人多死冬十一月無冰

二十年秋太白入太微

二十一年秋九月蝗王薨葬地陵園內

儒理尼師今立南解太子也母雲帝夫人妃日

知葛文王之女也或云妃姓朴許婁王之女初南解薨儒理當

立以大輔脫解素有德望推讓其位脫解曰神

器大寶非庸人所堪吾聞聖智人多齒試以餅
噬之儒理齒理多乃與左右奉立之號尼師今
古傳如此金大問則云尼師今方言也謂齒理
昔商解將死謂男儒理壻脫解曰吾死後汝朴
昔二姓以年長而嗣位焉其後金姓亦興三姓
以齒長相嗣故稱尼師今

二年春二月親祀始在廟大赦

五年冬十一月王巡行國內見一老嫗飢凍將
死曰予以眇身居上不能養民使老幼至於此

沒者

極是予之罪也解衣以覆之推食以食之仍命
有司在處存問鰥寡孤獨老病不能自活者給
養之於是鄰國百姓聞而來者衆矣是年民俗
歡康始製梵率歌此歌樂之始也

九年春改六部之名仍賜姓楊山部為梁部姓

李高墟部為沙梁部姓崔大樹部為漸梁部一云
全梁

姓孫于珍部為本彼部姓鄭加利部為漢祇部

姓裴明治部為習比部姓薛又設官有十七等

一伊伐食二伊尺食三迎食四波珍食五大阿

食六阿食七一吉食八沙食九級伐食十大奈
麻十一奈麻十三大舍十三小舍十四吉士十
五六鳥十六小鳥十七造位王既定六部中分
為二使王女二人各率部內女子分朋造黨自
秋七月既望每日早集大部之庭績麻乙夜而
罷至八月十五日考其功之多小貢者置酒食
以謝勝者於是歌舞百戲皆作謂之嘉俳是時
貢家一女子起舞嘆曰會蘇會蘇其音哀雅後
人因其聲而作歌名會蘇曲

小引

貂

十一年京都地裂泉湧夏六月大水

十三年秋八月樂浪犯北邊攻陷朶山城

十四年高句麗王無恤襲樂浪滅之其國人五

千來投分居六部

十七年秋九月華麗不耐二縣人連謀率騎兵

犯北境貂國渠帥以兵要曲河西敗之王喜與

貂國結好

十九年秋八月貂帥獵得禽獸獻之

三十一年春二月星孛于紫宮

脫解

三十三年夏四月龍見金城井有項暴雨自西北來五月大風拔木

三十四年秋九月王不豫謂臣寮曰脫解身職國戚位處輔臣屢著功名朕之二子其才不及遠矣吾死之後俾即大位以無忘我遺訓冬十月王薨葬地陵園內

脫解尼師今立一古邑解時年六十二姓昔妃阿孝夫人脫解本多婆那國所生也其國在倭國東北一千里初其

國王娶女國王女爲妻有娠七年乃生大卵王
曰人而生卵不祥也宜棄之其女不忍以帛裹
卵并寶物置於櫝中浮於海任其所往初至金
官國海邊金官人怪之不取又至辰韓阿珍浦
口是始祖赫居世在位三十九年也時海邊老
母以繩引繫海岸開櫝見之有一小兒在焉其
母取養之及壯身長九尺風神秀朗智識過人
或曰此兒不知姓氏初櫝來時有一鵲飛鳴而
隨之宜省鵲字以昔爲氏又解韞櫝而出宜名

脫解脫解始以漁釣為業供養其母未嘗有懈
色母謂曰汝非常人骨相殊異宜從學以立功
名於是專精學問兼知地理望揚山下瓠公宅
以為吉地設詭計以取而居之其地後為月城
至南解王五年間其賢以其女妻之至七年登
庸為大輔委以政事儒理將死曰先王顧命曰
吾死後無論子壻以年長且賢者繼位是以寡
人先立今也宜傳其位焉
二年春正月拜瓠公為大輔二月親祀始祖廟

三年春三月王登吐含山有玄雲如蓋浮玉頭
上良久而散夏五月與倭國結好交聘六月有
星孛于天船

五年秋八月馬韓將孟召以覆巖城降

七年冬十月百濟王拓地至娘子谷城遣使請
會王不行

八年秋八月百濟遣兵攻蛙山城冬十月又攻
狗壤城王遣騎二千擊走之十二月地震無雪
九年春三月王夜聞金城西始林樹間有鷄鳴

聲遙明遣弼公視之有金色小犢掛樹枝白雞
鳴於其下弼公還告王使人取犢開之有小男
兒在其中姿容奇偉上喜謂左右曰此豈非天
遺我以合胤乎乃收養之及長聰明多智略乃
名闕智以其出於金犢姓金氏改始林名雞林
因以爲國號

十年百濟攻取蛙山城留二百人居守尋取之
十一年春正月以朴氏貴戚分理國內州郡號
爲州主郡主二月以順貞爲伊伐滄委以政事

十四年百濟來侵

十一年倭人侵木出島王遣角干羽烏禦之不
克羽烏死之

十八年秋八月百濟寇邊遣兵拒之

十九年大旱民饑菽倉賑給冬十月百濟攻西
鄒蛙山城拔之

二十年秋九月遣兵伐百濟復取蛙山城自石
濟來居者二百餘人盡殺之

二十一年秋八月阿淦吉門與加耶兵戰於黃

山津口獲一千餘級以吉門為波珍滄賞功也
二十三年春二月慧星見東方又見北方二十
日乃滅

二十四年夏四月京都大風金城東門自壞秋

八月王薨葬城北壤井立

婆娑尼師今立儒理王第二子也或云儒理第
一子也

妃金氏史省夫人註婁葛文王之女也初脫解

薨臣僚欲立儒理太子逸聖或謂逸聖雖嫡嗣

而威明不及婆娑遂立之婆娑節儉省用而愛

婆娑

民國人嘉之

二年春二月親祀始祖廟三月巡撫州郡發倉
賑給慮獄囚非二罪悉原之

三年春正月下令曰今倉廩空匱或器頑鈍儻
有水旱之災邊鄙之警其何以禦之宜令有司
勸農桑練兵革以備不虞

五年春二月以明宣為伊滄允良為波珍滄夏
五月古陟郡主獻青牛南新縣交連歧大有年

行者不賣糧

步

六年春正月百濟犯邊二月以吉元爲阿湊夏
四月客星入紫微

八年秋七月下令曰朕以不德有此國家西鄰
百濟南接加耶德不能綏威不足畏宜繕葺城
壘以待侵軼是月築加召馬頭二城

十一年秋七月分遣使十人廉察州郡主不勤
公事致田野多荒者貶黜之

十四年春正月拜元良爲伊湊啓其爲波珍湊
二月巡幸古所夫里郡親問高年賜穀冬十月

京都地震

十五年春二月加耶賊圍馬頭城遣阿飡吉元
將騎一千擊走之秋八月關兵於關川

十七年秋七月暴風自南拔金城南大樹九月
加耶入襲南鄙遣加城主長世拒之爲賊所殺
王怒率勇士五千出戰敗之虜獲甚多

十八年春正月舉兵欲伐加耶其國主遣使請
罪乃止

十九年夏四月京都旱

二十一年秋七月雨雹飛鳥或冬十月京都地
震倒民屋有死者

二十二年春二月築城名月城秋七月王移居
月城

二十三年秋八月音汁伐國與悉真谷國爭疆
謂王請決王難之謂金官國首露王年老多智
識召問之首露立議以所爭之地屬音汁伐國
於是王命六部會鄉良首露王五部皆以伊滄焉
主唯漢祇部以位卑者主之首露怒命奴耽下

柶

里殺漢柶部主保齊而歸奴逃依音汁伐主陁
鄒干家主使人索其奴陁鄒不送王怒以兵伐
音汁伐國其主與衆自降悉直押督二國王來
降冬十月柶李華

二十五年春正月衆星隕如雨不至地秋七月
悉直叛發兵討平之徙其餘衆於南鄙

二十六年春正月百濟遣使請和二月京都雪三日
二十七年春正月幸押督賑貧窮三月至自押
督秋八月命馬頭城主伐加耶

祗摩

二十九年夏五月大水民飢發使十道開食賑
給遣兵伐比只國多伐國草八國并之

三十年秋七月蝗害穀王遍祭山川以祈禳之
蝗滅有年

三十二年夏四月城門自毀自五月至秋七月
不雨

三十三年冬十月王薨葬地陵園內

祗摩尼師今立樞味婆娑婁王嫡子母史省夫人妃

金氏愛禮夫人葛文王摩帝之女也初被女娑王

獵於榆澮之澤太子從焉獵後過韓歧部伊澮
許婁鄉良之酒酣許婁之妻攜少女子出舞摩靡
伊澮之妻亦引其女太子見而悅之許婁不
悅王謂許婁曰此地名大庖公於此置盛饌美
醞以宴術之宜位酒多在伊澮之上以摩靡之
女配太子焉酒多後云角干

二年春二月親祀始祖廟拜昌永為伊澮以參
政事王權為波珍澮由權為一吉澮順宣為紉
澮三月百濟遣使來聘

三年春三月雨雹麥苗傷夏四月大水慮凶除
死罪餘悉原之

四年春二月加耶寇南邊秋七月親征加耶帥
步騎度黃山河加耶人伏兵林薄以待之王不
覺直前伏發圍數重王揮軍奮擊決圍而退

五年秋八月遣將侵加耶王帥精兵一萬以繼
之加耶嬰城固守會久雨乃還

九年春二月大星墜月城西聲如雷三月京都
大疫

池

十年春正月以翌宗為伊滄昕連為波珍滄赫
權為河滄二月築大甃山城夏四月倭人侵東邊
十一年夏四月大風東來折木飛瓦至文而止
都人訛言倭兵大來爭遁山谷王命伊滄翌宗
等諭止之秋七月飛蝗害穀年饑多盜

十二年春三月與倭國講和夏四月隕霜五月
金城東民屋陷為他笑藻生

十三年秋九月庚申晦日有食之

十四年春正月靺鞨大入北境殺掠吏民秋七

月又襲大嶺柵過於泥河王移書白濟請救百
濟遣五將軍助之賊聞而退

十六年秋七月甲戌朔日有食之

十七年秋八月長星竟天冬十月國東地震十

一月雷

十八年伊滄昌未卒以波珍滄玉權為伊滄以

參政事

二十年夏五月大雨漂沒民戶

二十一年春二月宮南門災

逸聖

二十三年春夏旱秋八月王薨無子

逸聖尼師今立儒理王之長子或女曰知葛妃朴氏

支所禮王之女

元年九月大赦

二年春正月親祀始祖廟

三年春正月拜雄宣為伊滄兼知內外兵馬事

近宗為一吉滄

四年春二月靺鞨入塞燒長嶺五柵

五年春二月置政事堂於金城秋七月大閱

川西冬十月北巡親祀大白山

六年秋七月隕霜殺菽八月靺鞨襲長嶺虜掠
民口冬十月又來雪甚乃退

七年春二月立柵長嶺以防靺鞨

八年秋九月辛亥晦日有食之

九年秋七月召羣公議征靺鞨伊浪雄宣上言
不可乃止

十年春二月修尊宮室夏六月己丑癸感祀鎮

星冬十一月雷

十一年春二月下令農辰者政本食惟民天諸列
郡修完堤坊廣闢田野又下令禁民間用金銀
珠玉

十二年春夏旱南地最甚民飢移其粟賑給之
十三年冬十月押智叛發兵討平之徙其餘衆
於南地

十四年秋七月命臣寮各舉智勇堪爲將帥者

十五年封朴阿道爲葛文王

新羅追封王比日稱葛文王其義未詳

十六年春正月以得訥爲沙滄宣忠爲奈麻袂

八月有星孛于天市冬十一月雷京都大疫
十七年自夏四月不雨至秋七月乃雨

十八年春二月伊滄雄宣卒以大宣爲伊滄兼
知內外兵馬事三月雨雹

二十年冬十月宮門災彗星見東方又見東北方
二十一年春二月王薨

三國史記卷第一